

**Хорижий валюта харид қилиш ва сотиш операцияларининг
умумий шартлари тўғрисида
оммавий оферта-шартномаси**

Тошкент шаҳри

15.02.2021й.

Ушбу ҳужжат «Asia Alliance Bank» АТБ (бундан кейин - Банк) нинг расмий таклифи (оммавий офертаси) бўлиб, Банк миждозлари бўлган - юридик шахсларга / якка тартибдаги тадбиркорларга (бундан буён Миждоз деб аталади) хорижий валюта харид қилиш ва сотиш бўйича хизмат кўрсатишнинг стандарт шартлари ва тартибини белгилайди.

Ўзбекистон Республикаси Фуқаролик Кодексининг (ЎЗР ФК) 369-моддаси 2-бандига мувофиқ, оммавий оферта-шартномаси шартларини қабул қилиш тўғрисидаги Аризани топшириш йўли билан, қуйида келтирилган оммавий оферта шартларини қабул қилган Миждоз – офертани қабул қилаётган юридик шахс ёки якка тартибдаги тадбиркор, (ЎЗР ФК 370-моддаси 4-қисмига асосан) Буюртмачи деб ҳисобланади, Банк ва Буюртмачи/Миждоз эса биргаликда – мазкур Шартноманинг тарафларига айланади.

Юқорида келтирилганларга асосан, мазкур оммавий офертанинг матнини эътибор билан ўқинг ва Банк тарифлари билан танишиб чиқинг. Офертанинг у ёки бу бандига нисбатан норозилигингиз бўлса, Банк хизматларидан фойдаланишни рад этишингизни таклиф (тавсия) этади.

I. Шартнома предмети.

1.1. Мазкур Шартномада қуйидаги атамалар қўлланилган бўлиб, уларни қуйида келтирилган тавсифига мувофиқ равишда талқин қилиш лозим:

Оферта - ушбу ҳужжат Банк ва Миждозлар ўртасида хорижий валюта сотиш ва харид қилиш операцияларини амалга оширишнинг умумий шартлари тўғрисида оммавий оферта шартномасидир.

Офертани қабул қилиш – миждоз ушбу офертанинг 1.2 бандига кўрсатилган ҳаракатларни бажариши орқали офертани тўлиқ ва сўзсиз қабул қилиши.

Буюртмачи/Миждоз – оферта акцептини амалга оширган ва шу тариқа, тузилган оммавий оферта-шартномасига (кейинги ўринларда – «Шартнома») мувофиқ Банк хизматлари Буюртмачиси бўлган юридик шахс/якка тартибдаги тадбиркор.

1.2. Шартнома шартлари стандарт шаклда келтирилган бўлиб, Миждоз томонидан, Оммавий оферта-шартномаси шартларини қабул қилиш тўғрисидаги Аризани топшириш вақтида, розилик бериш йўли билан қабул қилиниши мумкин (мазкур Оферта-шартномасига 1-илова). Аризани топшириш Миждознинг ушбу Шартномага тўлиқ қўшилишини англатади. Шартнома Миждознинг Аризаси Банкда рўйхатга олинган вақтдан бошлаб тузилган деб ҳисобланади.

1.3. Хорижий валюта харид қилиш ёки сотиш учун буюртманомалар тақдим этиш орқали Миждоз Банкга хорижий валюта харид қилиш ёки сотиш топширигини беради, Банк эса миждознинг буюртманомасини бажариш мажбуриятини ўз зиммасига олади.

1.4. Хорижий валюта харид қилиш ёки сотиш учун ариза (кейинги ўринларда – Ариза) Миждоз томонидан, мазкур Шартноманинг амал қилиш даврида, ҳар сафар хорижий валюта харид қилиш ёки сотиш зарурати туғилганда, Банк томонидан ўрнатилган шаклда (Шартномага 2- ва 3-иловалар), ёзма равишда ёки «Корпоратив Интернет-Банкинг» тизимидан фойдаланган ҳолда электрон тарзда расмийлаштирилади.

1.5. Мижознинг захиралаш учун Банкда очилган махсус ҳисобварағида миллий ёки хорижий валютадаги маблағларнинг мавжудлиги хорижий валюта харид қилиш ёки сотиш бўйича операцияларни амалга оширишнинг мажбурий шартидир.

1.6. Хорижий валюта харид қилиш ёки сотиш буюртманомаси тақдим этилганидан сўнг Банк томонидан 2 (икки) банк иш кунидан кечиктирилмаган ҳолда операцияни амалга ошириш вақтида Банк томонидан ўрнатилган курс бўйича ўтказилади.

1.7. Мижоз томонидан буюртманома, уни Банк томонидан бажарилишидан олдин бекор қилиниши мумкин.

1.8. Мижоз томонидан сотувга қўйиладиган хорижий валютасидаги маблағлар Банк томонидан битишув вақтида белгиланган ҳамда "Корпоратив Интернет -банкнинг" тизимида эълон қилинган курс бўйича сотиб олинади.

1.9. Мижозларнинг хорижий валюта харид қилишга тақдим этиладиган буюртманомалари Банкнинг ўз валюта ресурслари ҳисобидан, битишув вақтида Банк томонидан белгиланган ва Корпоратив Интернет-банкнинг тизимида эълон қилинган курс бўйича қондирилади.

1.10. Банк ва мижоз ўртасидаги хорижий валюта харид қилиш ёки сотиш муносабатлари ушбу Шартнома ва Мижознинг хорижий валюта сотиш ёки харид қилиш тўғрисидаги буюртманомаси асосида тартибга солинади ва амалга оширилади.

II. Томонларнинг ҳуқуқ ва мажбуриятлари.

2.1. Мижоз қуйидаги ҳуқуқларга эга:

2.1.1. Ушбу шартнома амал қилиш муддати мобайнида хорижий валюта харид қилиш ёки сотиш учун аризаларни топшириш;

2.1.2. Буюртмаларнинг бажарилиш жараёни тўғрисида Банкдан маълумот олиш;

2.1.3. Банкга тақдим этилган буюртманомаларни бажарилгунга қадар қайтариб олиш;

2.1.4. Ушбу Шартномани бекор қилиш, шу билан бирга илгари тақдим этилган Буюртманомаларга мувофиқ Банк билан ўзаро ҳисоб - китобларни амалга ошириш.

2.2. Банк қуйидаги ҳуқуқларга эга:

2.2.1. Агар буюртманома Банк томонидан белгиланган шаклда тақдим этилмаса, мижознинг буюртманомасини қабул қилишдан бош тортиш;

2.2.2. Агар мижознинг махсус ҳисобварағида миллий ёки хорижий валютада буюртманомада кўрсатилган миқдорда маблағ бўлмаса, буюртманомани қабул қилишдан бош тортиш;

2.2.3. Мижознинг махсус ҳисобварағидан захираланган хорижий ёки миллий валютадаги буюртманомада кўрсатилган миқдордаги маблағларни ҳамда хорижий валюта харид қилиш тўғрисидаги буюртманомани кўриб чиқиш учун Банк комиссиясини, акцептсиз равишда ҳисобдан чиқариш;

2.2.4. Оферта шартномаси ва Банк тарифлари шартларини бир томонлама белгилаш ва ўзгартириш;

Банк Оферта-шартномасига, Тарифларга ўзгартириш ва/ёки қўшимча киритса, Банк ушбу ўзгартириш ва/ёки қўшимчалар жорий этилиш санасидан камида 10 (ўн) календарь куни олдин, мазкур Шартномага қўшимча қилишувни тузмаган ҳолда, қуйидаги йўллардан бири билан хабардор қилади:

- Банк офисларидаги маълумот стендларида Оферта Шартномаси ва тарифларга киритилган ўзгартиришлар ва / ёки қўшимчаларни жойлаштириш орқали;

- Банкнинг www.aab.uz веб –саҳифасида Оферта шартномасига ўзгартиришлар ва / ёки қўшимчаларни жойлаштириш орқали;

- бошқа йўл билан, Банкнинг хоҳишига кўра.

Агар Мижоз киритилган ўзгартириш ва қўшимчалар билан рози бўлмаса, ушбу Шартноманинг 5.3 - бандига мувофиқ Мижоз шартномани бекор қилишга ҳақли.

Агар Шартнома ва / ёки Тарифларнинг янги таҳрири www.aab.uz веб - сайтига жойлаштирилган кундан бошлаб 10 (ўн) календарь кундан кейин Мижоз бу ўзгаришларга

хеч қандай тарзда норозилигини билдирмаса ва Шартномани бекор қилмаса, Шартнома ва / ёки янги таҳрирдаги Тарифлар Мижоз томонидан қабул қилинган ҳисобланади.

2.3. Банк мажбуриятлари:

2.3.1. Шартномада белгиланган муддатда Мижоз томонидан тақдим этилган Буюртманомаларни бажариш;

2.3.2. Мижозни ушбу Шартноманинг 2.2.4-бандида белгиланган тартибда Оммавий оферта шартномасига ва Тарифларга киритилган ўзгаришлар ва/ёки қўшимчалар ҳақида хабардор қилиш.

2.4. Мижоз мажбуриятлари:

2.4.1. Миллий ёки хорижий валютада Банкда маблағларни резервлаш мақсадида миллий ёки хорижий валютада махсус ҳисобварақ очиш;

2.4.2. Хорижий валюта харид қилиш ёки сотишга Банк томонидан белгиланган шаклда буюртманома бериш;

2.4.3. Буюртманома тақдим этилган куни махсус ҳисобварақда буюртманомада кўрсатилган миқдордаги миллий ёки хорижий валютадаги захира маблағларига эга бўлиш;

2.4.4. Банк томонидан хорижий валюта харид қилинганидан кейин Мижознинг миллий валютадаги махсус ҳисоб варағида қолдик шаклланган бўлса, Банк акцептсиз тартибда резервланган пул маблағлари қолдиқларини махсус ҳисоб варақдан ечиб олиб, Мижознинг талаб қилиб олингунча сақланадиган депозит ҳисоб варағига ўтказишга, агар ҳисоб варақ хорижий валютада бўлса – ссуда ҳисоб варағига ўтказишга ҳақли.

2.4.5. Тарифларга мувофиқ кўрсатилган хизматлар учун Банк воситачилик ҳақини тўлаш.

Оммавий оферта шартномасини қабул қилиш орқали Мижоз воситачилик ҳақини тўлаш учун Банкда очилган ҳисобварақларидаги маблағларни акцептсиз равишда ҳисобдан чиқаришга розилик беради.

2.4.6. Ўзбекистон Республикаси валюта қонунчилиги талабларига риоя қилиш;

2.4.7. Шартноманинг 2.2.4-бандида кўрсатилган ҳар қандай усул орқали жойлаштирилган Шартнома-офертага ва Банк Тарифларига киритилган ўзгаришлар ва/ёки қўшимчалар билан мустақил равишда ва ўз вақтида танишиб чиқиш.

III. Томонларнинг жавобгарлиги.

3.1. Мазкур Шартномада келтирилган мажбуриятларини бажармаслик ва/ёки керакли тарзда бажармаганлик учун Тарафлар Ўзбекистон Республикасининг амалдаги қонунчилигига мувофиқ жавобгар ҳисобланади.

IV. Форс -мажор ҳолатлар.

4.1. Тарафлар Шартномада келтирилган мажбуриятларини бажармаслик ва/ёки керакли тарзда бажармаганлик учун, ушбу бажармаслик ва/ёки керакли тарзда бажармаганлик ҳолати енгиб бўлмас кучга эга (форс-мажор) вазиятлар натижасида вужудга келган бўлса, жавобгарликдан озод этилади.

4.2. Енгиб бўлмас кучга эга вазиятлар деганда, ушбу Шартнома тузилганидан кейин вужудга келган, фавқулотда тусга эга, аввалдан маълум бўлмаган ва олдини олишнинг иложи йўқ бўлган вазиятлар тушунилади. Масалан: урушлар ва ҳарбий ҳаракатлар, табиий офатлар, Банк тизимлари ишида техник узилишлар, Ўзбекистон Республикаси қонун чиқарувчи ва/ёки ижро этувчи ҳокимиятининг, Ўзбекистон Республикаси Марказий банкининг Тарафларнинг мазкур Шартнома предметиға бевосита боғлиқ бўлган фаолиятини чекловчи ёки тақиқловчи ҳатти-ҳаракатлари.

4.3. Мазкур Шартноманинг 4.2-бандида келтирилган вазиятлар натижасида мажбуриятларни бажариш имкони йўқолган Тараф, тезкорлик билан иккинчи Тарафни ёзма равишда хабардор қилиши, ҳамда иккинчи Тараф талабига кўра, форс-мажор вазиятлар вужудга келгани ва/ёки тугаганини тасдиқловчи далилларни тақдим қилиши шарт. Келтирилган вазиятларнинг вужудга келгани ва/ёки тугаганини тасдиқловчи далиллар сифатида ваколатли орган томонидан берилган ёзма ҳужжатлар хизмат қилади.

4.4. 4.2-бандда кўзда тутилган ҳолларда, мазкур Шартномага кўра мажбуриятларни бажариш муддати ушбу вазиятлар ва уларнинг асоратларининг амал қилиш муддатига мувофиқ кечиктирилади.

4.5. Агар енгиб бўлмас кучга эга вазиятлар узлуксиз 30 календарь кунидан ортиқ давом этса, Тарафлардан ҳар бири мазкур Шартномани бекор қилишга ҳақли. Банк ушбу ҳолда Шартномани бекор қилади ва Шартнома бекор қилинганлиги тўғрисидаги тегишли билдиришномани Банк бўлинмаларидаги стендларда ҳамда Банкнинг www.aab.uz расмий веб-сайтига жойлаштиради.

V. Бошқа шартлар.

5.1. Мазкур Шартнома Мижознинг Оммавий оферта-шартномаси шартларини қабул қилиш тўғрисидаги Аризаси Банкда рўйхатга олинган вақтдан бошлаб кучга киради ва белгиланмаган муддат давомида амал қилади.

5.2. Шартнома Тарафларнинг ўзаро келишувига мувофиқ бекор қилиниши мумкин.

5.3. Шартнома Мижознинг аризасига асосан исталган вақтда бекор қилиниши мумкин. Шартнома имзоланган ва Мижоз муҳри билан тасдиқланган (муҳр бўлган тақдирда), Шартномани бекор қилиш тўғрисидаги Мижознинг ёзма аризаси асосида бекор қилинади.

5.4. Қуйидаги ҳолларда Шартнома Банк томонидан бир тарафлама бекор қилиниши мумкин:

- Банк Мижозларга ушбу хизматни кўрсатишни тўхтатиш тўғрисида қарор қабул қилса;
- Мижоз Шартномада белгиланган шартларни бузса;
- қонунчилик доирасида олинган, Мижознинг террористик ёки бошқа жиноий фаолиятда иштироки ҳақидаги маълумотлар ёки гумонлар мавжуд бўлса, шунингдек, Мижоз томонидан шубҳали ва/ёки гумонли операциялар амалга оширилгани аниқланса;
- қонунчиликда кўзда тутилган бошқа ҳолларда.

5.5. Тарафлар, барча ўзаро келишмовчиликларни музокаралар йўли билан бартараф этиш учун барча чораларни кўришга келишиб олдилар. Музокаралар йўли билан бир ечимга келишнинг иложи бўлмаганда, мазкур Шартномалардан келиб чиқадиган низолар Тошкент шаҳар туманлараро Иқтисодий судида кўриб чиқилади.

5.6. Тарафлардан ҳеч бири, иккинчи Тарафнинг ёзма розилигини олмай туриб, ўзининг мазкур Шартномада кўзда тутилган ҳуқуқ ва мажбуриятларини учинчи шахсларга топширишга ёки ўтказишига ҳақли эмас.

5.7. Мазкур Шартномада бевосита тартибга солинмаган бошқа барча масалаларда Тарафлар Ўзбекистон Республикасининг амалдаги қонунчилигига асосланиб иш кўради.

VI. Иловалар.

6.1. Ушбу Битимга унинг ажралмас қисми бўлган қуйидаги иловалар илова қилинган:

- 1 -илова - Оммавий оферта шартномаси шартларини қабул қилиш тўғрисидаги ариза;
- 2 -илова - Хорижий валюта харид қилишга буюртманома;
- 3 -илова - Хорижий валюта сотишга буюртманома.

VII. Томонларнинг реквизитлари ва юридик манзиллари:

АТБ «Asia Alliance Bank»
Манзил: Тошкент ш., Яшнабод тумани,
Махтумқули кўчаси, 2А.
Банк реквизитлари:
х/р 2980200000001095001
МФО: 01095 ИНН:207018693
ОКЭД: 64190 ОКПО:22921172

Бошқарув Раиси
АТБ «Asia Alliance Bank»

Абдуазимов У.А. _____

*15.02.2021 йилдаги хорижий валюта харид қилиш ёки
сотиш бўйича операцияларни амалга оширишнинг
умумий шартлари тўғрисидаги Оферта-
шартномасига*
1-илова

**Оммавий оферта-шартномаси шартларини қабул қилиш тўғрисида
АРИЗА**

Аризачининг номи _____

Ушбу Ариза билан, битим амалга оширилиши вақтида Банк томонидан белгиланган, «Корпоратив Интернет-Банкинг» тизимида эълон қилинган курсга мувофиқ Хориж валютасини харид қилиш ёки сотиш бўйича операцияларни амалга оширишнинг умумий шартлари тўғрисидаги Оммавий Оферта-шартномасининг шартлари билан танишиб чиққанлигимни, уларга розилигимни ва Оферта-шартномасига тўлиқ қўшилишимни тасдиқлайман.

«_____» МЧЖ/Якка тартибдаги тадбиркор _____ 15.02.2021 йилдаги Хориж валютасини харид қилиш ёки сотиш бўйича операцияларни амалга оширишнинг умумий шартлари тўғрисидаги Оммавий Оферта-шартномасига қўшилганлиги сабабли, аввал, Хориж валютасини харид қилиш ёки сотиш бўйича операцияларни амалга оширишнинг умумий шартлари тўғрисида _____ й.да тузилган № _____ сонли шартнома ўз кучини йўқотади.

Юридик манзил ва реквизитлар:

Раҳбар (имзо) М.Ў. (муҳр бўлган тақдирда)

*15.02.2021 йилдаги хорижий валюта харид қилиш
ёки сотиш бўйича операцияларни амалга
оширишнинг умумий шартлари
тўғрисидаги Оферта-
шартномасига
2-илова*

ХОРИЖИЙ ВАЛЮТА ХАРИД ҚИЛИШГА БУЮРТМАНОМА

Буюртмачи номи ва СТИР _____

Почта манзили _____

Телефон ва факс рақами _____

Келишув бўйича саволларни ҳал қилишга маъсул ходимнинг Ф.И.Ш. ва лавозими: _____

Сўмдаги ҳисобварақ №	202%, МФО 01095	«Asia Alliance Bank» (Банк номи ва коди)
Хорижий валютадаги ҳисобварақ №	202%, МФО 01095	«Asia Alliance Bank» (Банк номи ва коди)
Хорижий валютадаги махсус ҳисобварақ №	22614% ,МФО 01095	«Asia Alliance Bank» (Банк номи ва коди)

Хорижий валюта сотиб олиш мақсади (тегишлиси тагига чизилсин):

- а) Асбоб ускуна, бутлаш ва эҳтиёт қисмлар;
- б) хом-ашё ва материаллар;
- в) хизматлар;
- г) кредитлар: Ҳукумат томонидан кафолатланган;
- д) кредитлар: Ҳукумат томонидан кафолатланмаган;
- е) кредитлар: Банкнинг ўз маблағлари ҳисобидан берилган;
- ж) лизинг тўловлари;
- з) дори дармон ва тиббий буюмлар;
- и) енгил автомобил;
- к) бошқа халқ истеъмол товарлари;
- л) даромадларни репатриация қилиш;
- м) хизмат сафарлари харажатлари;
- н) бошқа мақсадлар.

(Товар тури, етказиб берувчининг номи ва мамлакати, БЮД бўйича келиб тушган йили, агар тўлов етказиб берилганидан кейин амалга оширилса, агар олдиндан тўлов ёки аккредитив бўлса, керакисини кўрсатиш, хорижий ҳамкор банки ва мамлакати, юк жўнатувчининг номи ва мамлакати, ТН ВЭД коди)

Бир турдаги чет эл валютасини бошқа турдаги чет эл валютасига конвертация қилиш бўйича хизматлар кўрсатиш юзасидан Оммавий шартнома – оферта қабул қилинганига мувофиқ, хорижий валютани қуйидаги шартлар асосида сотиб олиш бўйича келишув тузишни топшираимиз:

Хорижий валюта миқдори ва номи	Сўмдаги сотиб олиш курси	Сотиб олинаётган валютанинг сўм эквиваленти

Шартнома рақами ва санаси _____
(ушбу катор хорижий валютани а) – к) бандларида кўрсатилган мақсадлар учун сотиб олишда тўлдирилади)

Буюртмада кўрсатилган сотиб олиш курси бўйича сотиб олинаётган валютанинг сўм эквиваленти _____
22613000% рақамли ҳисоб рақамида резерв қилинган.

Бизнинг ҳисоб рақамимиздан 22613000% _____

- сотиб олинаётган валютанинг эквиваленти сотиб олиш курси бўйича ечиб олинади.

Қуйидаги ҳужжатлар илова қилинади:

1. _____

Директор _____ (имзо)

М.Ў. (муҳр бўлган тақдирда)

Бош ҳисобчи _____ (имзо)

«__» _____ 20__г.

15.02.2021 йилдаги хорижий валюта харид қилиш
ёки сотиш бўйича операцияларни амалга
оширишнинг умумий шартлари
тўғрисидаги Оферта-
шартномасига
3-илова

ХОРИЖИЙ ВАЛЮТА СОТИШГА БУЮРТМАНОМА

Буюртмачи номи ва СТИР _____

Сўмдаги ҳисобварақ №	202*	«Asia Alliance Bank» (Банк номи ва коди)	МФО 01095
Хорижий валютадаги ҳисобварақ №	202*	«Asia Alliance Bank» (Банк номи ва коди)	МФО 01095

Бир турдаги чет эл валютасини бошқа турдаги чет эл валютасига конвертация қилиш бўйича хизматлар кўрсатиш юзасидан Оммавий шартнома – оферта қабул қилинганига мувофиқ, хорижий валютани қуйидаги шартлар асосида сотиш бўйича келишув тузишни топширамыз:

Хорижий валюта миқдори ва номи	Сўмдаги сотиш курси	Сотилаётган валютанинг сўм эквиваленти

Ушбу Аризада кўрсатилган миқдорда чет эл валютасини депозит ҳисобидан ечиб олишни ва миллий валюта эквивалентини миллий валютадаги депозит ҳисобига ўтказишни топширамыз.

Директор

М.Ў.
(муҳр бўлган тақдирда)

_____ (имзо)

Бош ҳисобчи

«__» _____ 20__ г.

_____ (имзо)